

EFTIRLITSSKÝRSLA

Norðurá Stekkjarvík Stekkjarvík



UMHVERFISSTOFNUN

Dags eftirlits	13.9.2016	Ábyrgðarmaður eftirlits	Guðbjörg Stella Árnadóttir
Fyrirtæki	Norðurá Stekkjarvík	Eftirlitsmaður	Eva Dögg Kristjánsdóttir
Heimili	Skagfirðingabraut 17	Tegund eftirlits	Reglubundið seinna eftirlit
Kennitala	5602060620	Flokkur	Úrgangur og efnamóttaka
Fulltrúi fyrirtækis	Fannar Viggósson	ÍSAT nr.	38.21
Fulltrúi fyrirtækis	Magnús B. Jónsson	Staðsetning	441620,709 580284,876

NIÐURSTAÐA EFTIRLITS

Engin frávik komu fram í eftirlitinu en ein athugasemd var gerð varðandi skil á útstreymisbókhalði.

UMFANG EFTIRLITS

Farið var yfir starfsleyfið og minnt á skráningar og skiladaga skv. því.

Miklar framkvæmdir standa yfir á staðnum en verið er að stækka urðunarhólfíð og er reiknað með að þeim framkvæmdum ljúki í lok þessa árs. Reiknað er með að urðunarhaugurinn sem nú er verið að keyra í, nái fullri hæð í byrjun næsta árs og verða þá útbúnar varanlegar sýnatökuholur fyrir hauggas í hauginn. Mælingar úr bráðabirgðaholum voru gerðar í fyrra sumar skv. samþykktri úrbótaáætlun.

Girðingum er vel við haldið og girt er allan hringinn í kringum urðunarstaðinn. Girðingin sem afmarkar norðurhluta staðarins var tekin upp og færð um 50m til norðurs vegna framkvæmdanna og verið er að leggja lokahönd á uppsetningu hennar aftur. Sett verður þéttari og öflugri girðing sem tekur betur við foki og auðveldara er að hreinsa úr. Rekstraraðili leggur mikla vinnu í að halda girðingum og nærsvæði hreinu. Farið er að lágmarki 2 sinnum á ári um allt nærsvæðið og hreinsað upp það sem fokið hefur og gengið er reglulega meðfram girðingum og rusl fjarlægð. Minna hefur verið um fok frá síðasta eftirliti en áður.

Engar kvartanir vegna svæðisins hafa borist eftirlitsaðila eða rekstraraðila og engin óhöpp hafa orðið frá síðasta eftirliti. Nokkuð er um ryk á svæðinu vegna framkvæmdanna en er það tímabundið ástand.

Engin ákveðin þjálfunaráætlun er til en sett eru upp námskeið er þurfa þykir varðandi eldvarnir og meðferð spilliefna.

Hreinsivirki hefur ekki verið tæmt frá síðasta eftirliti en reiknað er með að það verði gert í byrjun október. Var það skoðað í síðustu viku og fitulag metið. Ekki var mikil fita í kerfinu og hefur uppsöfnun fitu í hreinsivirkinu nær horfið, en það var vandamál áður en frárennsli frá gorsvæði var leitt aftur í gegnum hauginn. Nú situr fitan eftir í haugnum og frárennslið því fituminna sem fer út í hreinsivirkið. Einnig er notaður fituleysir frá Kemi í hreinsivirkið til að varna því að kerfið stífflist. Gerðar eru sigvatnsmælingar í lok hvers mánaðar, tekið er úr fitugildru, setbeði og brunnum. Niðurstöður mælinganna eru birtar í grænu bókhalði rekstraraðila og voru einnig afhendar eftirlitsaðila í síðasta eftirliti.

Þvottaplan við móttökustöð er tengt olúskilju en það er ekki í notkun. Þvottaplan við skemmu er einnig tengt olúskilju. Var hún tekin í notkun nú í vor og hefur því ekki verið þjónustuð. Engin spilliefni eru meðhöndluð á svæðinu önnur en þau sem koma af slysi með úrgangsförnum. eru þau tekin til hliðar og send á Gámastöðvarnar.

Daglegur frágangur urðunarreina er góður, yfirlag er sett yfir hauginn, og sláturúrgangur hulinn með timburkurli. Net eru lögð á hliðar hauganna.

Ekki er unnið eftir ákveðnu umhverfisstjórnunarkerfi en umhverfismarkmið eru aðgengileg á heimasíðu rekstraraðila.

Keyrt var um svæðið og aðstæður skoðaðar. Svæðið var snyrtilegt á að líta og ekki sjáanleg merki um fok eða ófullnægjandi frágang. Frárennislækur var mjög gruggugur vegna framkvæmda á svæðinu og mikilla rigninga að undanförmu. Enga uppsöfnun mátti greina við viðtaka frárennislæks og ekki var að sjá fokrusl í fjörunni í Stekkjarvík.

Allar upplýsingar um mælingar, magn úrgangs og framkvæmdir koma fram í grænu bókhalði. Grænu bókhalði hefur verið skilað fyrir árið 2015. Útstreymisbókhalði hefur einnig verið skilað, þó eftir síðasta skiladag.

ATHUGASEMDIR

Ein athugasemd var gerð í eftirlitinu varðandi skil á útstreymisbókhalði. Skiladagur er 1. maí ár hvert en bókhalðinu


var skilað með tölvupósti þann 27. júlí sl.

ANNAÐ

Mikið er að gera á staðnum og er aukning á magni úrgangs. Reiknað er með að magn móttækis úrgangs á árinu fari hátt í 20þ tonn.

- 1 Frávik: Framkvæmd telst ekki í samræmi við kröfur sem settar eru fram í starfsleyfi, lögum eða reglugerðum.
- 2 Athugasemd: Ástand sem eftirlitsmaður telur vert að vekja athygli á í þágu heilsuverndar, umhverfisverndar og öryggis en sem ekki geta talist frávik.

Reykjavík, 27.09.2016



Guðbjörg Stella Árnadóttir